



Тарихи маңызға ие Ереван сапары

Мемлекет басшысы Қасым-Жомарт Тоқаев Арменияға ресми сапарында осы елдің Президенті Ваагн Хачатурянмен де кездесті.

Қазақстан Президенті алғашқы ресми сапарына ерекше мән беретінін атап өтті.

– Армения – Қазақстан үшін маңызды, өте мағыналы серіктес ел. Ежелгі өркеніет бастау алған тарихы мен мәдениеті бай армян халқының жеріне ыстық ықыласпен, ерекше сезіммен келіп отырмын, – деді Қасым-Жомарт Тоқаев.

Президенттің айтуынша, Премьер-министр Никол Пашинянмен жүргізілген келіссөздер барысында күн тәртібіндегі мәселелер жан-жақты әрі нәтижелі талқыланды.

– Қазақ-армян қатынастарын жан-жақты нығайтуға қатысты өзара ұмыт-лысымызды растадық. Бұл – бүгінгі келіссөздердің басты нәтижесі. Біз маңызды уағдаластықтарға қол жеткіздік. Қазақстан мен Арменияның көпжақты өзара



ықпалдастығын одан әрі нығайту жоспарын нақтылады. Сондай-ақ халықаралық және аймақтық күн тәртібіндегі мәселелерді қарастырдық, – деді Мемлекет басшысы.

Қасым-Жомарт Тоқаев пен Ваагн Хачатурян қазақ-армян ынтымақтастығына қатысты бірқатар өзекті мәселені талқылап, саяси, сауда-экономикалық, көлік-транзиттік және мәдени-гуманитарлық салалардағы

өзара ықпалдастыққа баса назар аударды.

Армения Президенті Мемлекет басшысының Ереванға сапары тарихи маңызға ие екенін атап өтіп, келіссөздердің қорытындысы екі ел арасындағы байланыстарды нығайту үшін берік іргетас қалыптастыратынын, мемлекетаралық қатынастарды жаңа деңгейге көтеретінін жеткізді.

– Сіздің сапарыңыз Қазақстан мен Армения арасындағы

қарым-қатынастарды одан әрі дамытуға және нығайтуға ықпал ететініне сенімдімін. Біздің ортақ тарих пен қазіргі қарым-қатынастар байланыстырады. Қазіргідей күрделі кезеңде өзара ынтымақтастықты дамытып жатырмыз. Сіздің басшылығыңызбен Қазақстан барлық бағытта табысқа қол жеткізіп отырғанына кәуіміз. Мен Сізге және барша қазақ халқына жаңа жетістік тілеймін, – деді Ваагн Хачатурян.

Қазақ-армян әріптестігінің жаңа деңгейі

Ереванға ресми сапармен барған Қасым-Жомарт Тоқаевты мемлекеттік резиденциясында Армения Премьер-министрі Никол Пашинян қарсы алды.

Бану ӘДІЛЖАН,
«Egemen Qazaqstan»

Екіжақты ықпалдастық бағыттары

Құрмет қарауылының бастығы екі ел басшыларына рапорт берді. Қазақстан мен Арменияның мемлекеттік әнұрандары орындалған соң Қасым-Жомарт Тоқаев пен Никол Пашинян бір-біріне ресми делегация мүшелерін таныстырды. Содан кейін Мемлекет басшысы Армения Премьер-министрімен шағын құрамда келіссөз жүргізді.

Қасым-Жомарт Тоқаев бұл ресми сапарына ерекше мән беретінін және оны екіжақты қарым-қатынастарды дамытудың маңызды кезеңіне жол ашатынын атап өтті.

Қазақстан Президенті екі ел арасындағы байланыстардың барлық бағыты бойынша ынтымақтастықты арттыру үшін мола әлеует бар екенін айтты.

Өз кезегінде Никол Пашинян өзара байланыстардың қарқынды дамып келе жатқанына тоқталып, армян-қазақ қатынастарын жаңа деңгейге көтеру үшін бірлесу әрекеті етуге дайын екенін мәлімдеді.

Келіссөз барысында Қасым-Жомарт Тоқаев пен Никол Пашинян

сауда-экономикалық, көлік-транзиттік, инвестициялық, өңірлік және мәдени-гуманитарлық ынтымақтастық мәселелерін талқылады. Тараптар өңірлік тұрақтылық және қауіпсіздік мәселелеріне айрықша назар аударды.

Шағын форматта өткен келіссөз соңында Қасым-Жомарт Тоқаев пен Никол Пашинян Қазақстан мен Армения арасындағы көпқырлы байланыстарды одан әрі нығайтуға бейілді екенін растады.

Шағын форматта өткен кездесуден кейін Қазақстан мен Армения басшылары келіссөзді ресми делегация мүшелерінің қатысуымен жалғастырды.

Қасым-Жомарт Тоқаев Ереванға сапармен келуде шақырғаны және қонақжайлық көрсеткені үшін Никол Пашинянға алғыс айтты. Сондай-ақ ол Қазақстан Президенті ретінде Арменияға алғаш рет ресми сапармен келгенін атап өтті.

– Қазақ-армян әріптестігінің жаңа деңгейге көтеруге қатысты бастамаңызды толық қолдаймын. Біз армян халқының терең тарихына, ежелгі мәдениеті мен салт-дәстүріне зор құрметпен қараймыз, – деді Мемлекет басшысы.

РЕСМИ

ҚАЗАҚСТАН РЕСПУБЛИКАСЫНЫҢ ЗАҢЫ

Қазақстан Республикасының кейбір заңнамалық актілеріне әйелдердің құқықтары мен балалардың қауіпсіздігін қамтамасыз ету мәселелері бойынша өзгерістер мен толықтырулар енгізу туралы

1-бап. Қазақстан Республикасының мына заңнамалық актілеріне өзгерістер мен толықтырулар енгізілсін:
1. 2011 жылғы 26 желтоқсандағы «Неке (ерлі-зайыптылық) және отбасы туралы» Қазақстан Республикасының Кодексіне:
1) 1-бап мынадай мазмұндағы 24-1) және 29-1) тармақшалармен толықтырылсын:
«24-1) мемлекеттік отбасы саясаты саласындағы уәкілетті орган – мемлекеттік отбасы саясатын қалыптастыру бойынша басшылықты және салааралық үйлестіруді жүзеге асыратын орталық атқарушы орган»;

9 >

ҚАЗАҚСТАН РЕСПУБЛИКАСЫНЫҢ ЗАҢЫ

Қазақстан Республикасының Әкімшілік құқық бұзушылық туралы кодексіне әйелдердің құқықтары мен балалардың қауіпсіздігін қамтамасыз ету мәселелері бойынша өзгерістер мен толықтырулар енгізу туралы

1-бап. 2014 жылғы 5 шілдедегі Қазақстан Республикасының Әкімшілік құқық бұзушылық туралы кодексіне мынадай өзгерістер мен толықтырулар енгізілсін:
1) 54-бапта:
бірінші бөліктегі «73-1, 73-2» деген цифрлар алып тасталсын;
екінші бөліктегі «ерекше жағдайларда тұрмыстық зорлық-зомбылық жасаған адамға осы адамның басқа да тұрғынжайы болған жағдайда, жәбірленушімен бірге жеке тұрғын үйде, потерде немесе өзге де тұрғынжайда» деген сөздер «айрықша жағдайларда, тұрмыстық зорлық-зомбылық жасаған адамға тұрғын үйде жәбірленушімен бірге» деген сөздермен ауыстырылсын;

10 >

ӨНДІРІС ӨРІСІ

Отандық өндірушілерді қолдау қарқыны

Елімізде отандық тауар өндірушілерге қолдау көрсетуде жаңа өнеркәсіптік саясатқа көшу, қайта өңдеуде жоғары кластерлерді құру мен елішілік құндылықтарды арттыру міндеттеріне баса мән берілген. Өткен жылы біздегі тауар өндірушілердің дайын тауар айналымы шамамен 39,4 млрд долларды құраған.

Гүлмира БАҒЫТҚЫЗЫ,
«Egemen Qazaqstan»

Елден экспортқа шығарылатын өнімдердің дені металлургия мен химия өнеркәсібінің өнімдері – мыс пен мыс катодтары, феррокорытпа, уран, мұнай өнімдері, өңделмеген мырыш және алюминий, ыстықтай прокатталған жалпақ бұйымдар, табиғи газ. Олардан бөлек, бидай ұны, күнбағыс майы және минералды тыңайтқыштар үлкен

сұранысқа ие. Жыл сайын 155,9 мың тонна күнбағыс майы сыртқы нарыққа шығарылады. 2022 жылдың қорытындысында күнбағыс майының экспорты 3 есе өсіп, 346,4 млн доллар болды. Былтыр мартарин өнімінің көлемі 2,7 есе ұлғайып, 88,8 млн долларға жетті. Бүгінде күнбағыс майына салынатын 20 пайыздық баж салығына қарамастан, осы өнімнің белсенді түрде экспортталып отырғанын айтып өту керек.

6 >



Суретті түсірген Ерлан ОМАР, «ЕФ»

ТАСҚЫНҒА – ТОСҚЫН

Екінші толқынның екпіні алаңдатады

Елімізде су деңгейі әзірге ала-құла. Әсіресе солтүстікте жағдай әлі де күрделі. Кей жерлерде су деңгейі түскенімен, Жайықтың Ресейден келетін арнасы алаңдатып отыр. Қыр астында қызыл су барын күн бұрын бағамдаған ел қауіптің алдын алуға жұмыла қам-қарекет қылып жатыр. Алайда мамандарды негізгі елеңдетіп отырғаны су тасқынының екінші толқыны.

Бақытбек ҚАДЫР,
«Egemen Qazaqstan»

Жедел іс-шаралар жөні

Су тасқыны кезінде ұзын-саны 107 465 адам, оның ішінде 38 627 бала қауіпсіз жерге көшірілсе, 11 786 адам үйіне оралды. Уақытша орналасу бекеттеріне 7 598 адам, 3 288 бала орналасты. Кейінгі мәліметтерге сүйенсек, авариялық-құтқару жұмыстарында 32 484 адам, 3 709 техника, 14 әуе кемесі жұмылдырылған. Тасқынның жолын қолдан келгенше бөлеп, арпалысқанмен Атырау, Ақтөбе, Ақмола, Қостанай, Батыс Қазақстан, Солтүстік Қазақстан облыстарында 4 870 жеке тұрғын үй, 1 517 аула, 2 035 саяжай су астында қалған. Осы аралықта «Жедел

4 >

желіге» 1 667 қонырау түссе, мамандар 123 азаматқа шұғыл психологиялық көмек көрсетті.

Қазір 20 өңірде республикалық және облыстық жедел штабтар жұмыс істесе, Ақтөбе, Қостанай, Батыс Қазақстан, Ақмола, Қарағанды, Атырау, Солтүстік Қазақстан, Ұлытау облыстарында жергілікті ауқымдағы 36 төтенше жағдайлар қызметінің маманы жедел қызметке жұмылдырылды. Төтенше жағдайлар министрлігі су басқан өлкелердің тұрғындарын аса мұқият болуға, тасқын кезінде қауіпсіздік ережелерін сақтап, үйден, эвакуациялау пункттерінен рұқсатсыз кетпеуге шақырып, ескертеді.

КЕШЕ КЕШКІСІН...

Арнайы техникаға вагондар бөлді

«Қазақстан темір жолы» арнайы техниканы өзге өңірлерден су басу аймақтарына жедел жеткізу үшін вагондар бөлді. «Алматы, Қарағанды, Маңғыстау, Түркістан, Қызылорда, Шымкент, Қостанай стансаларынан бульдозерлер, тракторлар, самосвалдар, жүк көліктері, тиегіштер, манипуляторлар, су тасқынымен күресуге арналған крандар Орал, Атырау, Ақтөбе және т. б. аймақтарға бағытталды», деп хабарлайды «ҚТЖ» ҰК» АҚ баспасөз қызметі.

БҮГІН БАСЫЛЫМДА

Жаңа норма жасырын қылмысқа жол бермейді

Тұрмыстық зорлық-зомбылық туралы құжат қоғам тарапынан қызу пікірталас туғызып, заң шығарушы органның алдынан да бірнеше рет өтті. Әйел құқығы аяққа татпалып, бала қауіпсіздігі бас қайғыға айналған қоғамда қылмысты бұдан әрі қылмыссыздандыруға болмайтыны анық байқалып отыр.

ЕРТЕҢ – «ЕГЕМЕНДЕ»

Қазақ-қырғыз бір туған, алға қарай ұмтылған...

Қырғыз-қазақтың мәдени байлығының тамыры тереңде жатыр. Әйгілі «Манас», «Ер Төстік», «Құрманбек» дастандары қазақ бауырларына қандай жақын болса, «Ер Тарғын», «Қобыланды», «Атамас», «Қыз Жібек» қырғыздардың гасырлар бойы сүйіп оқитыны шығармаларының қатарына жатады.

ҚАЗАҚСТАН РЕСПУБЛИКАСЫНЫҢ ЗАҢЫ

Қазақстан Республикасының кейбір заңнамалық актілеріне әйелдердің құқықтары мен балалардың қауіпсіздігін қамтамасыз ету мәселелері бойынша өзгерістер мен толықтырулар енгізу туралы

1 <

«29-1) отбасы, әйелдер мен балалардың құқықтарын қорғау мәселелері жөніндегі «111» байланыс орталығы (бұдан әрі – «111» байланыс орталығы) – ақпараттандыру саласындағы уәкілетті орган айқындаған, отбасы, әйелдер мен балалардың құқықтарын қорғау мәселелері бойынша ақпараттық-анықтамалық, ұйымдастырушылық, психологиялық қызмет функцияларын орындайтын заңды тұтау;»

2) 2-баптың 2-тармағы 8) тармақшасындағы «қолдау қағида» сөзі өзгертіліп, «қолдау» сөзімен ауыстырылып, мынадай мазмұндағы 9) және 10) тармақшалармен толықтырылсын:

«9) неке және отбасы, әке болу, ана мен бала институтын нығайтуға негізделген дәстүрлі отбасылық құндылықтарды қорғау, сақтау, нығайту және ілгерілету;

10) балаларды Қазақстан Республикасының Конституциясы мен Қазақстан Республикасының заңнамасына қайшы келмейтін бөлігінде жалпыадамзаттық, ұлттық, дәстүрлі, мәдени және отбасылық құндылықтарды күрметтеу рухында адамгершілік және рухани жағынан тәрбиелеуді қамтамасыз ету қағидаларына негізделеді.»

3) 1-тарау мынадай мазмұндағы 5-1-бапмен толықтырылсын:

«5-1-бап. Отбасын қолдау орталықтары

1. Отбасын қолдау орталықтары халықты әлеуметтік қорғау және жұмыспен қамту мәселелері жөніндегі жергілікті атқарушы органдардың жағиынан аудандарда және қалалардағы аудандарда жергілікті атқарушы органдардың шешімі бойынша құрылады және (немесе) ұйымдастырылады.

2. Отбасын қолдау орталықтары мыналарды жүзеге асырады:

1) мемлекеттік отбасы саясатының шараларын, оның ішінде некені және отбасын сақтау, отбасылық жанжалдарды шешу жөніндегі шараларды іске асыру;

2) өмірде қиын жағдайға тап болған адамдарды (отбасыларды) өз құзыреті шегінде мемлекеттік органдардың қолдауымен, оның ішінде интеграцияланған модель арқылы қолдаумен қамту жөніндегі жұмысты үйлестіру;

3) өмірде қиын жағдайға тап болған адамдарға (отбасыларға) әлеуметтік, заңдық және психологиялық қолдау көрсету және қолдау;

4) тұрмыстық зорлық-зомбылық белгілері бар адамдарға бір айға дейінгі мерзімге уақытша түру мүмкіндігін беру арқылы қолдау көрсету;

5) мемлекеттік отбасы саясатының бағыттары мен шаралары туралы ақпараттық-түсіндіру жұмысы;

6) мемлекеттік отбасы саясатын іске асыру, тұрмыстық зорлық-зомбылық профилактикасы мәселелері бойынша жергілікті атқарушы органдармен, ұйымдармен, волонтерлермен, консультативтік-кеңесші органдармен өзара іс-қимыл жасау;

7) мемлекеттік отбасы саясатының үрдістерін мониторингке және бақылау;

8) халықты әлеуметтік қорғау және жұмыспен қамту мәселелері жөніндегі жергілікті атқарушы органдың үйлестіруімен, өз құзыреті шегінде білім беру, денсаулық сақтау, ішкі істер органдары қатысқан кезде өмірде қиын жағдайға ұшыраған адамдарды (отбасыларды) ерте анықтау және оларға қолдау көрсетуді ұйымдастыру жөніндегі мобилдік топтардың жұмысын ұйымдастыру;

9) Қазақстан Республикасының заңнамасына сәйкес тұрмыстық зорлық-зомбылық профилактикасы бойынша өзге де шараларды іске асыру.

3. Отбасын қолдау орталықтары өз қызметін мемлекеттік отбасы саясаты саласындағы уәкілетті орган айқындайтын тәртіппен жүзеге асырады.

4. Отбасын қолдау орталықтарының қызметін үйлестіруді және оған әдістемелік басшылықты мемлекеттік отбасы саясаты саласындағы уәкілетті орган жүзеге асырады.

5. Отбасын қолдау орталықтары бюджет қаражаты және Қазақстан Республикасының заңнамасында тыйым салынбаған өзге де көздер есебінен қаржыландырылады.»

4) 10-тарау мынадай мазмұндағы 67-1-бапмен толықтырылсын:

«67-1-бап. «111» байланыс орталығы

1. «111» байланыс орталығы отбасы, әйелдер мен балалардың құқықтарын қорғау мәселелері бойынша ақпараттық-анықтамалық консультация береді, ұйымдастырушылық, психологиялық көмек көрсетеді, орталық мемлекеттік органдарды, жергілікті атқарушы органдарды келіп түскен жолданымдар бойынша хабардар етеді және азаматтарға жолданымдардың орындау мәртебесі туралы ақпарат береді.

2. Ақпараттандыру саласындағы уәкілетті орган:

1) «111» байланыс орталығының қызметін ұйымдастырады және қамтамасыз етеді;

2) «111» байланыс орталығы қызметінің және оның орталық мемлекеттік органдармен, жергілікті атқарушы органдармен өзара іс-қимыл жасау қағидаларын әзірлейді және бекітеді.

3. Орталық мемлекеттік органдар, жергілікті атқарушы органдар отбасы, әйелдер мен балалардың құқықтарын қорғау мәселелері бойынша өзара іс-қимыл жасайды және «111» байланыс орталығына жолданымдарды қарауын қорытындыларын бойынша қабылданған шаралар туралы ақпарат береді.»

5) 70-баптың 2-тармағының үшінші бөлігі «қамтамасыз ету» деген сөздерден кейін «, заңға мойынсынушылық мінез-құлдықты қалыптастыру» деген сөздермен толықтырылсын.

2. 2014 жылы 3 шілддегі Қазақстан Республикасының Қылмыстық кодексіне:

1) 3-бапта:

мынадай мазмұндағы 18-1) тармақпен толықтырылсын:

«18-1) көмелетке толмағандарға қатысты зорлық-зомбылыққа байланысты қылмыстар – осы Кодекстің 99-бабы екінші бөлігінің 14) тармағында, үшінші бөлігінде, 105-бабының үшінші бөлігінде, 106-бабы екінші бөлігінің 11) тармағында және үшінші бөлігінде (қылмыс көмелетке толмаған адамға қатысты жасалған жағдайда), 107-бабы екінші бөлігінің 8) тармағында, 108-1-бабы екінші бөлігінің 8) тармағында, 110-бабы екінші бөлігінің 1) тармағында (қылмыс көмелетке толмаған адамға қатысты жасалған жағдайда), 116-бабы екінші бөлігінің 2) тармағында және үшінші бөлігінде (қылмыс көмелетке толмаған адамға қатысты жасалған жағдайда), 125-бабы екінші бөлігінің 5) тармағында және үшінші бөлігінде (қылмыс көмелетке толмаған адамға қатысты жасалған жағдайда), 126-бабы екінші бөлігінің 5) тармағында және үшінші бөлігінде (қылмыс көмелетке толмаған адамға қатысты жасалған жағдайда), 127-бабы екінші бөлігінің 3) тармағында, 133-бабының үшінші бөлігінде (қылмыс күш қолдана отырып жасалған жағдайда), 135 және 146-баптарында (қылмыс көмелетке толмаған адамға қатысты жасалған жағдайда) көзделген іс-әрекеттер;»

42) тармақтағы «124 (жас балаларды азғындық жолға түсіру)» деген сөздер «124 (он алты жасқа толмаған адамдарды азғындық жолға түсіру)» деген сөздермен ауыстырылсын;

2) 45-баптың бірінші және үшінші бөліктері мынадай редакцияда жазылсын:

«1. Қамаққа алу сотталған адамды тағайындалған

не ауыстырылған жазаның бүкіл мерзімінде қоғамнан оқшаулауды білдіреді.»

«3. Қамаққа алу көмелетке толмағандарға, жүкті әйелдерге, жас баласы бар немесе оны тәрбиелеп отырған әйелдерге, елу баланы жалғыз өзі тәрбиелеп отырған еркектерге, елу сегіз жастағы және ол жасқан асқан әйелдерге, алып үш жастағы және ол жасқан асқан еркектерге, бірінші немесе екінші топтағы мүгедектігі бар адамдарға тағайындалмайды және жазаны ауыстыру ретінде қолданылмайды.»

3) 55-баптың сегізінші бөлігі мынадай мазмұндағы екінші абзацпен толықтырылсын:

«Осы баптың екінші және үшінші бөліктерінің ережелері, көмелетке толмағандарға қатысты зорлық-зомбылыққа байланысты қылмысты көмелетке толмаған адам жасаған жағдайды қоспағанда, мұндай қылмыстарды жасаған адамдарға қолданылмайды.»

4) 68-баптың төртінші бөлігінде:

мынадай мазмұндағы 2-1) тармақпен толықтырылсын: «2-1) көмелетке толмағандарға қатысты зорлық-зомбылыққа байланысты қылмысты көмелетке толмаған адам жасаған жағдайды қоспағанда, мұндай қылмыстар;»

7) тармақтағы «жасаған адамдарға қолданылмайды» деген сөздер алып тасталсын;

8) тармақтағы «қасақана қылмыс жасаған адамдарға қолданылмайды» деген сөздер «қасақана қылмыс;» деген сөздермен ауыстырылып, мынадай мазмұндағы 9) тармақпен толықтырылсын:

«9) бұрын жасаған қылмыстық құқық бұзушылығы үшін тараптардың татуласуына байланысты қылмыстық жауаптылықтан босатылғаннан кейін осы Кодекстің 71-бабының бірінші бөлігінде белгіленген қылмыстық жауаптылыққа тартудың ескіру мерзімі ішінде осы Кодекстің 108-1 және 109-1-баптарында көзделген қылмыстық құқық бұзушылық жасаған адамдарға қолданылмайды.»

5) 83-баптың бірінші бөлігінің екінші сөйлемі мынадай редакцияда жазылсын:

«Көмелетке толмаған адам қылмыстық жауаптылықтан босатылған кезде оған тәрбиелік әсері бар мәжбүрлеу шаралары қолданылады.»

6) 7-бөлім мынадай мазмұндағы 98-3-бапмен толықтырылсын:

«98-3-бап. Қылмыстық құқық бұзушылық жасаған адамның жүріс-тұрысына ерекше талаптар белгілеу

1. Қылмыстық құқық бұзушылық жасауда кінәлі деп танылған адамға жаза тағайындау кезінде не оны қылмыстық жауаптылықтан немесе жазадан босату кезінде сот өз бастамасы бойынша не қылмыстық процесс тараптарының өтінішқаты бойынша оның жүріс-тұрысына үш айдан бір жылға дейінгі мерзімге ерекше талаптар белгілеуі мүмкін, онда психологиялық көмек көрсету, сондай-ақ:

1) жәбірленушінің көмелетке толмаған және (немесе) әрекетке қабылетсіз отбасы мүшелерін қоса алғанда, жәбірленушінің еркіне қарамастан, оны іздестіруге, оның ізіне түсуге, оған баруға, онымен ауысуға, телефон арқылы сөйлесуге және өзге де тәсілдермен байланыс жасауға;

2) атыс қаруын және басқа да қару түрлерін сатып алуға, сақтауға, алып жүруге және пайдалануға;

3) алкогольдік ішімдіктерді, есірткі, психотроптық заттарды тұтынуға толық көлемде немесе жеке-жеке тыйым салу көзделеді.

2. Қылмыстық құқық бұзушылықты күш қолдана отырып жасаған адамның жүріс-тұрысына ерекше талаптар белгіленген кезде жәбірленуші мен оның отбасы мүшелерін күзету және қорғау үшін сот айрықша жағдайларда, қылмыстық құқық бұзушылықты күш қолдана отырып жасаған адамға тұрғын үйде жәбірленушімен бірге тұруға тыйым салу түрінде құқықтық ықпал ету шарасын отыз тәулікке дейінгі мерзімге қолдануға құқылы.

3. Сотталған адамның не өзіне қатысты сотқа дейінгі тергеп-тексеру тараптардың татуласуына орай тоқтатылған адамның жүріс-тұрысына ерекше талаптардың қолданылу мерзімі ішінде оған профилактикалық әңгімелесу үшін айына бір реттен төрт ретке дейін ішкі істер органдарына келіп түру міндеттері жүктелуі мүмкін.

4. Осы Кодекстің 108-1-бабының екінші бөлігі, 109-1-бабының екінші бөлігі бойынша өзіне қатысты сотқа дейінгі тергеп-тексеру тараптардың татуласуына орай тоқтатылған адамның жүріс-тұрысына ерекше талаптардың қолданылу мерзімі ішінде оған сот шешімінде профилактикалық әңгімелесу үшін айына бір реттен төрт ретке дейін ішкі істер органдарына келіп түру міндеті жүктеледі.

5. Татуласуға байланысты қылмыстық жауаптылықтан босатылған адамға ерекше талаптар Қазақстан Республикасы Қылмыстық-процестік кодексінің 165-бабында айқындалған тәртіппен белгіленеді.»

7) 99-баптың үшінші бөлігінің екінші абзацы мынадай редакцияда жазылсын:

«өмір бойына бас бостандығынан айыруға жаза-ланады.»

8) 105-бап мынадай редакцияда жазылсын:

«105-бап. Өзін-өзі өлтіруге дейін жеткізу, өзін-өзі өлтіруге көндіру немесе өзін-өзі өлтіруге ықпал ету

1. Жәбірленушінің қорқыту, оған қатыгездіктен қарау немесе оның адам қадір-қасиетін үнемі қорлау арқылы адамды өзін-өзі өлтіруге дейін немесе өзін-өзі өлтіруге оқталуына дейін жеткізу, сол сияқты оны өзін-өзі өлтіруге көндіру не соған ықпал ету –

үш жылға дейінгі мерзімге бас бостандығын шектеуге не сол мерзімге бас бостандығынан айыруға жазалаңады.

2. Мынадай:

1) кінәлі адамға дәрменсіз күйде екені көрінуе белгілі не кінәлі адамға материалдық жағынан немесе өзгеше түрде тәуелді адамға қатысты;

2) екі немесе одан да көп адамға қатысты жасалған;

3) алдын ала сөз байласу арқылы адамдар тобы немесе қылмыстық топ жасаған;

4) телекоммуникация желілерін, оның ішінде Интернет желісін пайдалану арқылы жасалған дәл сол іс-әрекеттер –

бес жылға дейінгі мерзімге бас бостандығын шектеуге не сол мерзімге бас бостандығынан айыруға жазалаңады.

3. Осы баптың бірінші немесе екінші бөліктерінде көзделген, көмелетке толмаған адамға қатысты жасалған іс-әрекеттер –

бес жылдан тоғыз жылға дейінгі мерзімге бас бостандығынан айыруға жазалаңады.»

9) 106-баптың бірінші бөлігінің екінші абзацы мынадай редакцияда жазылсын:

«үш жылдан сегіз жылға дейінгі мерзімге бас бостандығынан айыруға жазалаңады.»

10) 107-бапта:

бірінші бөліктің екінші абзацындағы «екі жылға дейінгі мерзімге бас бостандығын шектеуге не сол мерзімге бас бостандығынан айыруға» деген сөздер «екі жылға дейінгі мерзімге бас бостандығынан айыруға» деген сөздермен ауыстырылсын;

екінші бөліктің екінші абзацы мынадай редакцияда жазылсын: «үш жылға дейінгі мерзімге бас бостандығынан айыруға жазалаңады.»

11) мынадай мазмұндағы 108-1 және 109-1-баптармен толықтырылсын:

«108-1-бап. Денсаулыққа қасақана жеңіл зиян келтіру
1. Денсаулыққа қасақана жеңіл зиян келтіру –

екі жүз айлық есептік көрсеткішке дейінгі мөлшерде айыппұл салуға не сол мөлшерде түзеу жұмыстарына, не екі жүз сағатқа дейінгі мерзімге қоғамдық жұмыстарға тартуға, не елу тәулікке дейінгі мерзімге қамаққа алуға жазалаңады.

2. Мынадай:

1) екі немесе одан да көп адамға қатысты;

2) адамның қызметтік жұмысын жүзеге асыруына немесе кәсіптік немесе қоғамдық борышын орындауына байланысты осы адамға немесе оның жақындарына қатысты;

3) аса қатыгездіктен, сол сияқты кінәлі адамға дәрменсіз күйде екені көрінуе белгілі не кінәлі адамға материалдық жағынан немесе өзгеше түрде тәуелді адамға қатысты жасалған;

4) адамдар тобы, алдын ала сөз байласу арқылы адамдар тобы жасаған;

5) бұзақылық иетпен;

6) әлеуметтік, ұлттық, нәсілдік, діни өшпенділік немесе араздық уәжі бойынша;

7) бірнеше рет;

8) көрінуе көмелетке толмаған адамға қатысты жасалған дәл сол іс-әрекет –

бір мың айлық есептік көрсеткішке дейінгі мөлшерде айыппұл салуға не сол мөлшерде түзеу жұмыстарына, не алты жүз сағатқа дейінгі мерзімге қоғамдық жұмыстарға тартуға, не екі жылға дейінгі мерзімге бас бостандығын шектеуге, не сол мерзімге бас бостандығынан айыруға жазалаңады.»

«109-1-бап. Ұрып-соғу

1. Тән ауруына ұшыратқан, бірақ денсаулыққа жеңіл зиян келтіруге алып келмеген ұрып-соғу немесе өзге де зорлық-зомбылық әрекеттерін жасау –

сексен айлық есептік көрсеткішке дейінгі мөлшерде айыппұл салуға не сол мөлшерде түзеу жұмыстарына, не сексен сағатқа дейінгі мерзімге қоғамдық жұмыстарға тартуға, не жиырма бес тәулікке дейінгі мерзімге қамаққа алуға жазалаңады.

2. Мынадай:

1) екі немесе одан да көп адамға қатысты;

2) адамның қызметтік жұмысын жүзеге асыруына немесе кәсіптік немесе қоғамдық борышын орындауына байланысты осы адамға немесе оның жақындарына қатысты;

3) кінәлі адамға дәрменсіз күйде екені көрінуе белгілі не кінәлі адамға материалдық жағынан немесе өзгеше түрде тәуелді адамға қатысты жасалған;

4) адамдар тобы, алдын ала сөз байласу арқылы адамдар тобы жасаған;

5) бұзақылық иетпен;

6) әлеуметтік, ұлттық, нәсілдік, діни өшпенділік немесе араздық уәжі бойынша;

7) бірнеше рет;

8) көрінуе көмелетке толмаған адамға қатысты жасалған дәл сол іс-әрекеттер –

бір жүзден екі жүз айлық есептік көрсеткішке дейінгі мөлшерде айыппұл салуға не сол мөлшерде түзеу жұмыстарына, не бір жүзден екі жүз сағатқа дейінгі мерзімге қоғамдық жұмыстарға тартуға, не отыз тәуліктен елу тәулікке дейінгі мерзімге қамаққа алуға жазалаңады.»

12) 110-бапта:

бірінші бөлік мынадай редакцияда жазылсын:

«1. Жәбірленушіні азаптау мақсатында аса қатыгездіктен, қорлаумен жасалған зорлық-зомбылық әрекеттері арқылы тән зардабына немесе психикалық зардап шегуге ұшырату, егер бұл іс-әрекет денсаулыққа ауыр немесе ауырлығы орташа зиян келтіруге алып келмесе, –

бір мың айлық есептік көрсеткішке дейінгі мөлшерде түзеу жұмыстарына не алты жүз сағатқа дейінгі мерзімге қоғамдық жұмыстарға тартуға, не үш жылға дейінгі мерзімге бас бостандығынан айыруға жазалаңады.»

екінші бөліктің екінші абзацы мынадай редакцияда жазылсын:

«төрт жылдан жеті жылға дейінгі мерзімге бас бостандығынан айыруға жазалаңады.»

13) 120-баптың төртінші бөлігінің екінші абзацы мынадай редакцияда жазылсын:

«өмір бойына бас бостандығынан айыруға жазалаңады.»

14) 121-баптың төртінші бөлігінің екінші абзацы мынадай редакцияда жазылсын:

«өмір бойына бас бостандығынан айыруға жазалаңады.»

15) мынадай мазмұндағы 121-1-бапмен толықтырылсын:

«121-1-бап. Он алты жасқа толмаған адамдарға сексуалдық сипатта тиісу

Көрінуе он алты жасқа толмаған адамға қатысты сексуалдық сипаттағы ұсыныстармен, оның ішінде Интернет желісін қоса алғанда, телекоммуникация желілерін пайдалана отырып жасалған ұсыныстармен есіміз тиділушілікпен ұштасқан сексуалдық сипаттағы әлемсіз әрекеттерді жасау –

белгілі бір лауазымдарды атқару немесе белгілі бір қызметпен айналысу құқығынан үш жылға дейінгі мерзімге айыра отырып немесе онсыз, екі жүз айлық есептік көрсеткішке дейінгі мөлшерде түзеу жұмыстарына не екі жүз сағатқа дейінгі мерзімге қоғамдық жұмыстарға тартуға, не елу тәулікке дейінгі мерзімге қамаққа алуға жазалаңады.»

16) 124-баптың тақырыбындағы және мәтіндегі «Жас балаларды», «Көрінуе жас балаға», «Жас балаға» деген сөздер тігінше «Он алты жасқа толмаған адамдарды», «Көрінуе он алты жасқа толмаған адамға», «Он алты жасқа толмаған адамға» деген сөздермен ауыстырылсын;

17) 125-бапта:

екінші бөліктің 5) тармағы алып тасталсын;

1) үшінші бөлік мынадай мазмұндағы 2-1) тармақпен толықтырылсын:

«2-1) көрінуе көмелетке толмаған адамға қатысты жасалса;»

18) 126-бапта:

екінші бөліктің 5) тармағы алып тасталсын;

1) үшінші бөлік мынадай мазмұндағы 2-1) тармақпен толықтырылсын:

«2-1) көрінуе көмелетке толмаған адамға қатысты жасалса;»

19) мынадай мазмұндағы 313-1-бапмен толықтырылсын:

«313-1-бап. Өзін-өзі өлтіруді насихаттау

1. Өзін-өзі өлтіруді насихаттау, яғни осы Кодекстің 105-бабында көзделген қылмыстық құқық бұзушылықтар белгілері болмаған кезде шектелмеген адамдар тобында өзін-өзі өлтіруге бару шешімін қоздыру мақсатында ақпаратты кез келген нысанда қасақана тарату –

екі жүз айлық есептік көрсеткіш мөлшерінде айыппұл салуға не сол мөлшерде түзеу жұмыстарына жазалаңады.

2. Осы баптың бірінші бөлігінде көзделген, бір және одан да көп адамның өзін-өзі өлтіруге оқталуына алып келген іс-әрекет –

бір жылға бас бостандығын шектеуге не

